

勅修兩浙鹽法志

第九冊  
卷十二  
條約  
卷十三  
蠲恤





勅修兩浙鹽法志卷十二

條約

禮禁於將然之前而法禁於已然之後至於已然而禁之而民已罹於法矣必先條其禁令而約束之庶法立而民不犯月吉讀法之義也於鹽筴中寓禮教焉志條約

一順治四年正月巡視兩浙鹽院爲整飭官方事照得有司賢否黜陟攸關官評輿論耳目難掩本院職司鹽課唯以通商惠民爲官方第一義至於兼





理漕白海防水利皆與鹽政關切者本院奉

勅兼理概得課其殿最地方各官務宜實心料理勿視  
虛文至於

國課之盈絀民生之安擾政事之廢修利弊之興革  
苟不殫心竭力貽害地方即以白簡從事斷不瞻  
徇情面致負

簡命功令森嚴各宜愛鼎共砥名節如或敗檢溺職

國典具存勗哉無斁

一順治四年二月為季掣引鹽事照得兩浙行鹽引

額繁多派分四季疏銷歷來成例今逢

聖世惠商恤竈加意撫綏產鹽甚廣本院遵照舊例及  
時親臨按所秤掣誠恐各商賢愚不一因利行私  
亦未可定若不嚴加懲勑何以儆戒奸頑爾等務  
遵

功令將捆運到所官鹽照依部頒摺子拈配較準勿  
得逾額重斤本院臨掣之日逐引秤盤敢有浮重  
斤數夾帶餘鹽影漏飛渡等弊定將該商按法嚴  
處引鹽入官斷不姑寬致滋漏網



東修兩浙鹽法志 卷十二  
一順治四年四月巡視兩浙鹽院為清查漲墾等事  
查得新漲沙地俱勘明給竈如有占據不吐拏究  
其有民間開墾成田者於竈戶名下追償工本其  
田俱歸竈戶

一順治四年五月巡視兩浙鹽院為嚴禁煎鹽插和  
灰土事查得各場煎燒竈戶不許插和灰土貨賣  
官商亦不得圖賤買掣以致民食不堪違者依律  
究罪

一順治九年二月兩浙鹽法道為亟救窮黎電情設

法保全課命事據仁和場竈戶張豪等呈稱從來  
錢糧出於地土耕耘抵課輸納故曰糧從產辦未  
聞產歸公家錢糧仍徵於民殘黎有限脂膏不堪  
屢年賠納切豪等貧竈所靠沙地刮土樵薪養蘆  
煎燒完課鹺志炳赤今豪等祖分辦課命地坐落  
清泰門盡為營兵牧放牛馬薪為踐食地為蹂躪  
憑何刮土煎燒貧竈豈能點金完課八載於茲計  
窮力竭變鬻已空今當秦楚餉急預限全完敢不  
仰體急公見在依限預辦完課泣思豪等歷年賠



納無產之糧命不聊生今欲生其苗先培其本哀  
叩普救生黎賜文詳院示禁庶

國課有賴等情該本司隨查看得民竈錢糧皆從產  
辦亘古不易而茶槽倉竈丁得分舊制辦課地土  
坐落清泰門外詎今兵丁放牧牛馬蕩地蘆薪悉  
爲蹂躪踐食刮土煎燒盡歸烏有各竈歷辦無產  
之課故有斯控蕩地乃

國課民命攸關本司不得不代爲籲請伏候憲批嚴  
禁等因詳奉總督部院巡撫都察院固山額真巡

按察院兩浙鹽院批示嚴禁毋許兵丁牧放合行  
給示勒石永遵

一順治九年八月巡視兩浙鹽院爲禁遏鹽徒妄扳  
以安善良事照得私鹽之禁經過地方層層盤詰  
立法可謂無遺矣然而無賴亡命怙惡不悛或聯  
舸列艦或聚黨成羣一遇盤獲動輒狡口飛噬某  
爲竈產某爲秤手某爲發本及至拘提到案百無  
一實或挾睚眦小嫌或涎家道殷實甚至從無一  
面奸囑妄扳庭鞫之下搶地呼天覆盆求雪者比



比而是而真竈真夥即使窮加拷訊不肯供報如此刁風殊堪髮指嗣後凡遇情輕鹽少者依律止理現獲其大夥至千斤以上者務必直窮到底何處收買何處窩頓何人引領情真乃坐敢有妄扳良善希圖嚇詐者即將被誣人當堂省釋本犯仍於本罪外加等示懲

一順治十二年六月巡視兩浙鹽院為捕緝宜飭等事照得兩浙三吳幅員修廣襟江帶湖奸宄難詰窩秤私販實繁有徒各屬設立捕兵原以巡緝私

鹽每至季終聽總巡官彙報以定功罪夫何法久弊生不但不行巡緝甚且公然構通得受巨臬月利聽其逍遙出沒遇見孤舟借稱盤鹽剽掠資囊執鹽誣賴種種不法倚捕興販又特其餘耳此輩目無三尺久矣嗣後總巡縣捕巡司衛所巡鹽各官另選殷實者充捕巡緝毋許仍用積捕務要實獲配引行銷敢有獲不如額以工食扣抵及以零星小販塞責者立拏重處其實獲船鹽盡行貯厥非奉憲批不許私變本院不時差官秤盤如有虛



東修河海鹽法志 卷十二 五  
捏官叅吏究其捕兵照規按季解比如有踰期不解鹽不及額經承一併提究

一順治十二年六月巡視兩浙鹽院爲禁約事照得過兵販比官捕惟欲私販斂迹官引疏通不知私販之源盡出場竈竈戶煎鹽盡售官商配引顆粒不售兵販則兵販豈能自煎然竈戶售私皆緣保伍疎於覺察官攢怠於稽查立法不嚴故滋其弊也嗣後拏獲私鹽問官必當嚴鞫鹽出何場煎自何竈窩秤是何姓名直窮到底官攢懲以疎縱保

伍治其通同一併招解又有奸蠹借名移涵就柴依山搭舍如紹之夏履橋興塘埠海山等處鹽舍煎燒潛通山販大侵諸義浦武引地業經前院行道差官拆毀因衙蠹爲之護持未能盡去而此輩竟不知有三尺矣除一面訪拏外所有依山盤舍盡當拆毀止許沿海煎燒不許仍留舍基以滋重剗再如杭之螺螄埠係泊舟通津金衢嚴廣行鹽要道一帆可通奸販不用包捆不懼巡緝不須掣放日夜搬運私行則官壅勢所必然著將各舍速



東修河海鹽法志 卷十一 六  
行拆去應移蓋觀音堂處所不許遲違至於各商  
給單買補必須赴場挂號方許收鹽入厥印單截  
角照引額裝包然後出厥運所聽掣不許仍借東  
場打引西場買鹽既無憲單到場又無引目截角  
構串牙僧私搨私運官商自恣私販之路紊亂鹺  
規大干法紀嗣後各場官攢團保商竈人等務遵  
憲頒部式按月實填團竈煎鹽額數并配引商名  
引數商結送院查核敢有故違怠玩定提究逐毋  
致噬臍

一順治十二年七月巡視兩浙鹽院爲懇復舊額以  
甦偏累事據嘉所綱商汪錫等呈稱切照嘉紹二  
所計口派額照額行銷俱有一定之規歷行久遠  
鹺載恪遵嘉所原額歲銷二十一萬六千一百二  
十引自七年春季紹稱山寇竊發一時權宜暫移  
代銷增額至二十六萬八千二十四引歷今五載  
引壅三季課缺半年今紹所寧戢如故戶口繁集  
理應復舊改正伏祈准勅運司嘉紹俱照舊則納  
課錢糧俱照舊則徵收庶嘉所偏累之苦獲蘇紹



所應有之額仍復

國課攸賴等情批運司確議詳報去後隨據運司詳稱該本道司查看得嘉所舊額每歲行鹽二十一萬六千一百二十引自七年之春以紹所額引內議改四萬七千三百零三引於嘉所代銷此一時權宜酌盈劑虛之策總期鹽法疏通

國課無虧原非經久之常制也邇年以來嘉所額數繁多以致引壅課墮紹所寧戢如故戶口繁集則嘉所代銷之壅引自應改歸紹所行銷各仍其舊

是以網商汪錫等有懇復舊額之請今據杭嘉紹松各所網紀衆商從公酌議紹所雖稱寧戢猶有產場未平收回一萬八千引念杭居嘉紹二所之間左右皆可就利亦收代銷七千三百三引以十一年秋季爲始入額輸課編單嘉所仍代銷二萬二千引以足引額等因又查十二年十月初一日蒙批允紹所網商章同春等爲壅額仍歸原地等事呈稱紹所收回額引之內改歸嘉定縣二千二百引常熟縣八百引查照嘉所納課行銷等因紹



東修河海圖志 卷十二  
所實收回一萬五千引則引目均平課額無缺各商咸得其宜矣今公議允愜理合據實呈覆等情前來擬合呈詳伏乞裁奪批定以便行令遵照永為遵守庶引目均平課餉不缺各商咸受疏通之利矣隨批課引各所通融裒益均算似或可行但須酌定經久可守纂入齟書著成令典此繳復行運司去後據運司詳稱據杭嘉紹松四所網商戴茂等覆稱改額收額緣由前經酌議妥便具呈回覆已蒙恩准商等取具遵依永遠遵守今具遵依

二紙伏乞准賜粘繳覆院批允纂入齟書庶獲經久等情該本道司覆看得嘉所舊額每歲引鹽二十一萬六千一百二十引自七年春季紹稱兵戎竊發改額四萬七千三百零三引於嘉所代銷近年以來嘉所引壅課墮故網商汪錫等具呈憲臺批司請復舊額仍歸原地行銷前據四所網商議覆歸還紹所一萬五千引嘉仍代銷二萬二千引杭所收銷七千三百三引嘉定縣二千二百引常熟縣八百引以足引額前詳已明茲蒙憲批備行



各綱商覆議妥確并具遵依前來擬合據詳伏祈  
准賜批允以便纂入齶書行令衆商經久遵行等  
因前來隨批既經議妥准如詳纂入齶書永遵繳  
一順治十二年十二月嘉興分司爲引鹽久不至州  
懇憲勅司督商運賣事據廣德州申詳鹽關

國課欲足課額必禁私販本州界在東南僻隅四塞  
皆山北連浙地安吉孝豐長興等州縣山徑崎嶇  
陸道多歧肩販者多係浙省奸民越境之私鹽細  
查先年原有腳票每鹽一引計二百四十斤小民

肩販每百斤給與腳票一張衝要隘所著巡鹽人  
役查驗故江浙有分而官私之鹽有辨等緣由蒙  
批腳票當年奉裁必有深意據詳復設以緝私鹽  
是否可行該司從長酌議確詳蒙此遵即檄行杭  
嘉二所綱商從公酌議腳票應否可行據實呈覆  
今據杭嘉二所綱紀衆商汪玉澄等公議呈覆浙  
西廣德州地轄江南鹽食浙省引赴州開鹽貯四  
安以俟四鄉肩販運州變賣年有定額向銷無虧  
事經久而商民兩便禁勒石而案墨未乾蓋緣州



離四安鎮六十里水窮陸起人力最少腳費極重  
民苦價高難食商畏費重難銷且州城民有幾何  
仍賴四鄉販賣抵州赴鎮路亦相等販甚樂從無  
奈本州俗悍民刁凡市棍捕僧以及好事子衿串  
通經承蠹胥每涎鹽爲利藪因思科斂常例向亦  
利鹽運州又視販爲凡肉思借巡緝作奸向亦利  
給小票但圖自私自利不顧病

國厲商奉禁不啻再三又經頑衿朦州詳請已蒙前  
院移會江南按院督學提犯究懲行學戒飭取具

不違甘結在案仍立碑永禁相安有年久而不變  
今該州未審來歷不察成規以缺額爲詞兼思給  
票詳院送天詳覆但減經久之成規是將驅商入  
甯罄商膏以饜奸貪商盡裹足額課奚賴將來定  
成廢地伏乞詳覆永禁遵守等情該本司查看得  
廣德州之引鹽向例各商引投州開鹽在四安鎮  
拆賣與民挑送入城轉鬻則商無陸運之艱民免  
淡食之苦法至善而歷行久矣案查順治九年間  
該州據劣衿鄭啟晨等呈詞欲更舊制令商陸路



東修河海縣志 卷十一  
運鹽至州住賣請詳前院致蒙查究行鹽事宜悉照舊例行州勒石永遵在案何該州復有腳票之請欲借稽察之名以遂奸胥科索之術茲據杭嘉二所網紀衆商公議呈覆前來所當亟請憲批嚴行禁革以安商業永遠遵行至如該州詳文內云長興縣查則云江南廣德之鹽及本州則云長興之鹽未免趨此失彼引鹽缺額并飭住商此後照額派銷仍循舊例引投州開鹽在四安鎮拆賣轉運入城以濟民食毋容虧缺者也等因具詳鹽院

奉批腳票不便重設本院早已洞悉奸蠹之術該司嚴行勒石永禁仍飭住商循行舊例毋許踰紊纂入齟書繳蒙此合行勒石永禁遵行

一順治十三年八月巡視兩浙鹽院爲禁約事照得稽煎竈戶煎鹽私售設有憲簿稽查法誠至善邇來官攢團保不肯實力奉行惟是虛捏填報是不澄其源而欲清其流不可得也今後煎鹽數目開報不實罪治保伍各商領單買補必先赴場掛號方許收鹽入厥印單截角照額裝包然後出厥運



東修河漢縣志 卷十一  
所候掣填明入場出場日期繳院磨對若無憲單引目敢構串牙僧私搦或憲單日期填不以實查出官攢責逐

一順治十三年八月巡視兩浙鹽院爲鹽竈均關鹽課除蠹棍以安善良事照得商人挾資輸將竈丁煎鹽辦課皆關軍國急需

朝廷著有優恤之典近來奸婪胥吏場蠹霸棍指勒索詐糜費無窮若非痛加禁革何以甦茲商竈凡有鹽務衙門皆宜悉心撫恤務使商竈樂業苟有前

弊許被害據實赴告以憑拏究如有悍將強兵扭賣強買致虧商本有司聽信衙蠹私派雜差派買官物及逞私欺壓鹽商許商人赴院告理官弁叅處兵蠹拏問至於六所網商爲衆商領袖凡有興革事宜不妨從公條議如有不肖奸商作弊害齷及喇虎光棍冒充商夥呼朋引類假公濟私挾仇詐害妄借條陳擅行瀆擾者立行枷號問遣綱紀徇庇不行舉發治以連坐之罪

一順治十三年八月巡視兩浙鹽院爲禁約事照得



東作內海鹽法志 卷之二  
官鹽之阻塞固由私販之橫行而今日浙西劉河  
吳淞福山沿海一帶兵販更甚緣三吳與淮泗對  
峙假以會勦為名連艘列艦挾矢張弓卸買城市  
強掙官商勒限完價有司莫敢詰問官捕無敢撻  
鋒此皆水師將領鈐束不嚴以致梟惡婪弁通同  
貿易坐享厚利侵課撓法莫此為甚雖經前院題  
叅一二以儆不肖而根株猶未盡絕除一面嚴飭  
外如敢仍蹈故轍將領叅拏兵丁置法庶幾源潔  
流清各宜自愛勿嗜小利致干重典

一順治十四年正月巡視兩浙鹽院為區別民竈以  
杜紊占等事照得民田竈蕩各有界域近有附場  
縣分里遞人等將開墾竈地報入有司以抵民產  
而有司亦即丈入民田數內攘為己功夫蕩地坍  
漲不常今因其開熟改為民田倘一時坍塌從何  
抵補若聽其開墾而不令陞科固以啟奸人影射  
之弊如因其開墾而奪以與民又以重貧竈包賠  
之苦亟當遴委賢員徧歷丈量在民田界內者聽  
有司丈入民額均糧在竈田界內者仍入竈籍陞



科勒石杜爭違者治罪

一康熙元年八月巡視兩浙鹽院為嚴飭實力巡查事照得兩浙地方原屬水鄉支河港汊遍地皆通舟楫若不嚴加防範勢必啣尾聯樁猖獗莫可遏抑本院念關

國課不得不為未雨綢繆之計除有汛防地方照舊盤緝外其向未設兵處所又係私鹽出沒必經之河道該管汛弁酌量撥兵晝夜巡查果能擒獲大夥私梟報官者分別獎賞務使私梟盡絕官引疏

通倘有借巡興販及賄通縱放情弊察出定行重究

一康熙三年五月為飛渡最為鹺害稽察在所首嚴特飭不時查驗以肅功令事照得掣過引鹽一時不能盡運在杭則停泊德勝猪圈二壩在嘉則停泊瀛塘橋在松則停泊沈埭在紹則過三塘九壩堆貯義橋新壩以便稽查此相沿舊例也乃有不肖奸商竟不完課領程密地飛渡又有船戶欺謾該商肆竊偷賣恐致敗露則販買私鹽捆包充數



東傳河海圖志 卷十二  
五  
兩者弊端神出鬼沒以致引壅課絀較之私販罪  
又甚焉嗣後該批驗所大使不時親身查驗如無  
前弊按月具結送查倘有奸徒仍蹈故轍弁髦  
功令該員飛報本院以憑鎖拏無論商人船戶一并嚴  
行究處該員受賄庇縱察出

題叅

一康熙四年十月巡視兩浙鹽院為嚴查私秤以清  
鹽法事照得鹽徒之有私秤猶盜賊之有窩主也  
盜無窩主則無地潛踪鹽無私秤則無從售買近

訪各場埠有等無藉棍徒公然招引梟販執秤抽  
牙而票引肩販利於速賣遂相率蟻聚是私秤之  
弊實為阻壞鹽法之病根去疾務盡莫此為甚嗣  
後各須痛改前非毀轅易轍私絕則引疏引疏則  
課足本院專司鹽法早夜思維必拔此病根則私  
鹽自無捷徑將不禁而自絕矣敢有仍蹈前弊告  
發訪聞立拏杖斃速宜悛改

一康熙五年八月巡視兩浙鹽院為嚴拏場棍安商  
裕課事照得禁治無藉為清理鹽場首務訪得仁



和等場有等棍徒名為長布衫又名好漢又名場虎專一在場兜攬官商包買引頭玩法作弊生事害人每遇商人到場買補則三五成羣扛幫把持却將鹽銀總領入手攬和銅鉛散與竈戶及至還商鹽斤則又攬和灰土商竈吞聲飲恨莫敢誰何若不急為禁戢蠱害何極嗣後商人入場買補聽其自行憑牙面同竈戶交易收買完足速令打引出場不許前項棍徒干預病竈病商敢有仍前扛幫兜攬肆行不法者許被害人陳告以憑拏問

一康熙十二年巡視兩浙鹽院為禁約事查得先年舊例有司設立捕兵鹽場編立保伍各行巡緝定有界址為憑捕兵保伍在於團界之外巡緝販徒不許下團騷擾各有明禁毋容違越但今巡緝兵役多有不遵禁例仍復下團騷擾一遇竈戶挑運上倉賣商官鹽概作私鹽妄拏送官致貧竈不得安業應令各該分司及各府廳衙門出給告示嗣後捕役止許在於團界外巡緝販徒不許下團騷擾其各竈有離團界或於村野空僻去處私煎通



東傳內河鹽法志 卷十二  
同販徒貨賣者不論保伍捕役人等俱許緝拏報官至於各場竈煎下鹽斤務堆在倉聽商買補仍赴本場報數場官即給印信號票一紙上書商竈煎買鹽斤數目賫付挑運人役收照敢有捕兵下團妄拏擾害許竈戶執票送官依律究治其鹽票仍付商人賫繳本場查考

一康熙十二年巡視兩浙鹽院爲申嚴船戶應捕妄告事照得商鹽出場催船裝載各所船戶類多積猾一經掣畢夤夜收買私鹽倣照引鹽大包裝灌

混於船艙內運到住賣地方引鹽未發私鹽先賣或遇盤驗事露往往罪及商人以後商鹽經過盤驗地方該府行委廉能官二員照引盤鹽止點包數不必逐包秤盤致滋多事設有夾帶罪及船戶仍行文并究窩家秤手不許累及商人若果商人夾帶許船戶於灌包之時密切首告據實罪懲事後扳撻決不准理再查各處巡鹽應捕俱係無藉之棍惡積戀包充與大夥鹽徒窩家腳頭内外交通暗受詭巡月錢常例非惟不肯捕緝反爲護送



東江鹽法志 卷十二  
六  
出境如遇查比鹽斤慮數不足小則拏肩挑以塞  
責大則誣商鹽以邀功甚將自己鹽斤裝入平人  
船隻誣陷重罪鹽船沒官以後各該總巡巡鹽等  
官嚴加禁約不許積捕人等挾詐騙害敢有故違  
定依律例究遣

一康熙十二年巡視兩浙鹽院爲嚴禁鹽徒用強逼  
買私鹽事查得浙東商鹽由漁浦出大江浙西商  
鹽在瀛塘橋停泊有等鹽徒一裝載私鹽恃強  
逼買不問船戶允否亂拋過船無銀逼令寄搭浙

東至富陽浙西至蘇州起賣若船戶報辨反誣夾  
帶百般索詐以後凡遇此等密報所在官司依律  
拏究如容隱不舉一併治罪

一康熙十二年巡視兩浙鹽院爲嚴禁關津刁索等  
事本院訪得所屬關津遇有真正私販鹽徒反行  
賣脫至於運到商鹽每每託名盤驗多方刁索商  
人利在速放甘心受騙又有地方豪棍索要斗面  
搭地等錢而巡鹽官捕亦多藉口盤詰需求常例  
以後關津及巡鹽官捕非奉院文不許擅將商鹽



東修河海圖經卷十二  
指稱盤詰措索常例市棍奸牙亦毋得用強科擾  
多端如有此等許商指名陳告以憑拏究

一康熙十二年巡視兩浙鹽院爲嚴禁龍潭尹村棍  
徒索詐商鹽事查得武無宜興三塢界龍潭尹村  
地方乃商鹽必由之路有等棍徒視鹽船爲奇貨  
多般紮詐或將各橋下填塞石塊覬覦起駁需索  
駁鹽或拏米豆數升指稱換鹽竟自上船下手強  
挖屢致控告抗不投審武拏推宜無捉指武商船  
畏不敢前致令各縣戶口缺鹽民嗟淡食除已往

不究外今後如敢仍前復逞故智定行差官親拏  
決不姑縱仍勒石永禁

一康熙十二年巡視兩浙鹽院爲嚴禁江防乘機搶  
匿商鹽事查得浙江紹興府坐臨山陰蕭山二縣  
地勢低窪乃商鹽堆塚要處每遇江漲全賴塘壩  
圍護若洪水生發衝坍塘壩地方船戶腳夫人等  
乘機搶匿運往鄉鎮貨賣以後春水泛溢之時各  
該捕役地方人等務要嚴防前盜但有違犯即便  
密拏從重究遣



一康熙十二年巡視兩浙鹽院為飭禁平埠地棍借端挾詐事照得浙東商鹽運往開化常山等縣住賣先在蘭谿平埠鎮分簞許將包索燒灰瀝滷煎鹽每被棍徒指為私鹽索詐以後勒為定限包索煎鹽聽商人船戶徑自變賣不許指私勒索

一康熙十二年巡視兩浙鹽院為嚴禁市棍把持以肅鹺政事照得兩浙商鹽因時出產價有低昂若值沙場坍塌雨暘失調產鹽甚少商人貴買於場安肯賤賣於市乃各處棍徒假以鹽貴欲平市價

或鼓衆把持沿門索詐甚至乘機聚搶相率成風深為商厲以後凡有商鹽貿易俱要貴賤兩平交易如有地棍把持搶詐拏究即以白晝搶奪論

一康熙十二年巡視兩浙鹽院為嚴禁巡船入場以安竈業事照得從來設立巡鹽員役例在離場十五里之外鹽臬出沒處所防禦協擒猶恐倚捕興販嚴禁巡船不許入場在場責令官攢稽煎團保協緝公私互察立法最良近訪巡鹽員役假緝獲為由遍歷各場恣意夾帶場官不能遏團保莫敢



東修河津鹽法志 卷十二  
問間有事敗將逃販私鹽掩飾是委牌為護鹽之符巡鹽為興販之路無怪乎買補之不前而官引之壅滯也嗣後止許在於離場州縣鄉鎮地方偵緝除一面行令各場立榜遵飭外敢再故違仍前入場興販者許官攢商竈人等協拏送院比民販私鹽之條加等究擬

一康熙十二年巡視兩浙鹽院為嚴飭邊陲遏販以固藩籬事查浙西太倉常熟浙東諸暨義烏為私鹽出沒要津土著捕役每係鹽梟詭變姓名積戀

充當刊刻小票照驗月受常例且有朋分本利倚借拏解功鹽批文影射夾帶護送交卸窩家秤手間或敗露則為打點賄脫司巡釀縱成風侵害引地蠹蝕

國課咎將誰諉嗣後該州縣務期禁遏毋使疎縱虧墮額引考成之典法在必行斷不姑息

一康熙十二年巡視兩浙鹽院為禁約事照得常鎮二府乃民人繁庶之處應宜鹽食數多因孟河口對直淮鹽呂四場分僅隔一江私販甚易若不亟



東修河海鹽法志 卷十二  
三  
為截捕為害匪淺議於孟劉二河口岸亟督防守  
將領常住把截嚴杜與販以遏越江私販之奸勿  
得疎懈

一康熙十二年巡視兩浙鹽院為禁挨賣以疏積滯  
事查得賣鹽地方憑水程到日先後挨次發賣近  
有豪惡巨商搶運先登希圖貨賣以萬室之邑盡  
食一商之鹽致奸商恃為專鋪生理坐勒高價串  
通經紀任意低昂即鹽色如土價值倍增小民艱  
於買食其勢必歸私販私販既行商鹽日阻無論

後到商人坐受羈縻即豪力占先者亦不免初通  
而終塞矣以後凡遇引鹽運到地方驗無夾帶等  
弊不拘到埠先後並聽公平發賣不得仍前挨次  
致生壅滯違者即以阻撓鹽法拏究

一康熙十九年七月巡視兩浙鹽院為飭拏克蠹以  
安商業事照得商人運銷與私梟勢不兩立每有  
奸商借官行私灌包飛渡自蹈法網者固不足惜  
至於殷實良商兢兢守法愛惜身家者奚止什居  
八九開運住賣從無點污竟有地方官弁擒獲私



東修兩浙鹽法志 卷十一  
臬到官不指為某商發本則指為某商銷賣因而承審有司不分情偽視鹽商為几上之肉恣意勒索不飽不休迨至辯理得雪臬徒不過治以本罪而良商之身家無不立破矣嗣後該地方官拏獲大夥私臬務必嚴究的實夥竈依律審擬倘有衙門積蠹拴通巨臬扳累良商者承審官訊明即予開釋勿得借端詐害倘不法奸商違禁行私以及灌包飛渡者許地方官察拏詳院倍究不貸

一康熙十九年八月巡視兩浙鹽院為嚴禁竈戶拖

欠商鹽以速轉輸事照得商人入場買補例將課銀憑牙預期付竈以備柴滷日逐煎鹽交商貯厥聽候捆配其有馴良竈戶按季交清商竈均便有等刁頑之徒商課到手視同已資鹽交過半任催不應反有鑽領商課恣意花費粒鹽不交致悞配掣深堪髮指嗣後敢有刁竈仍蹈前轍經年累月吞蝕課本臨掣無鹽病商轉輸者一經告發定將頑竈提拏重究

一康熙二十年六月巡視兩浙鹽院為清查鹽船夾



永作兩浙鹽法志 卷十一  
帶之弊等事照得兩浙行鹽地方上通徽嚴衢廣  
下達蘇松常鎮發運全憑船隻是以掣冊填註某  
商鹽若干引船戶某以便稽查也遂有不肖船戶  
乘機夾帶賄通鹽捕縱放逆行并有夾底夾艙攬  
和添灌欺謾耳目一至發覺累及本商身家立破  
若不嚴行查究弊將何底嗣後鹽船入場捆運報  
明場官親身查驗無弊方許裝載掣後運銷所官  
親身查點程引相符方許開行至於沿途隘口應  
行盤驗之處照例逐引點清逐包過秤驗無夾底

夾艙添灌等情方許過關如有前弊登時飛報以  
憑提拏法究巡鹽官役亦不得故為勒指

一康熙二十三年五月巡視兩浙鹽院為牙舖務在  
得人遴選以保商課事照得商鹽到地全憑牙舖  
發賣倘或委託匪人則商本因之虧耗及至控官  
追理十無二三總由不能慎始之故欲救其弊先  
清其源嗣後各縣住商鹽牙慎選殷實之家由縣  
取結申報方准納稅給帖充當以杜侵漁之弊如  
有棍徒混結濫充蠹商病齷耗折課本事發查明



東修兩湖圖志 卷十二  
具結之人責令賠補務使商本無吞噬之患慎勿  
故違

一康熙二十四年七月常熟縣為海禁悉開買捕奸  
梟橫販無稽等事案照先奉前鹽院憲牌前事內  
開理鹺之法首重緝私裕課之方必先疏引兩浙  
歲額正引七十餘萬道派銷於浙江者什三派銷  
於江南者什七而江南行鹽地方雖其間形勢不  
同大率以襟江帶海連跨淮場者為私鹽易入之  
邊隅浙引屏藩之門戶矣茲查常熟等邑隸係蘇

州鹽銷松所祇因對峙兩淮之金沙餘西餘中餘  
東呂四等場又比鄰崇明之天賜場越販私梟一  
帆立渡自康熙二十年福山港奉開官渡船隻往  
來如織奸梟滿載淮私揚帆直侵內地并借蕪蜃  
醬麪插和私鹽公行與販身任鹺衡者正在蒿目  
時艱肩承引課者已自醫瘡剜肉今奉大開海禁  
下遂民生而梟徒從此愈繁夾帶因茲益盛蓋常  
熟等縣與淮場相距水面不過百里朝發可以夕  
至故淮鹽欲入先此經由若法網稍疎則常太嘉



崑等州縣松所十萬之引課首被其殃江南內地  
什七之

正供累數十萬繼遭其害關係誠非渺小所謂屏藩內  
地門戶浙西者端在是矣雖經節次嚴飭其如該  
管官弁泄視鹺網梟徒奸棍巧販疊出以致淮鹽  
遍侵浙地爲害無窮茲特具疏

題請部議甚爲嚴切詎容仍前藐玩況各地住賣官  
鹽民間日食不過零銷所賴醬菜二市方能多售  
冥頑之輩謂醬菜非關禁例任意橫販插和私鹽

更兼魚鮓蜆蝦等項無不夾帶試問派銷之引安  
望疏通應徵之課焉能充裕合行申飭備牌仰縣  
即便移行各文武官將一體欽遵在於沿海沿江  
一帶各港汛墩嚴行查緝凡收稅衙門於報鈔船  
隻概行僉驗并禁渡船徇縱官役夾帶私鹽申飭  
保甲不許容隱嗣後內地捉獲鹽犯如有前項醬  
麪鮓菜蜆魚等物爲因插和私鹽者根究何場出  
產何竈所賣何處入境將該管疎縱各官照例  
題叅人犯按律治罪船隻鹽貨一並入官仍於單開



東修河海鹽志 卷十二  
三  
各地方勒石立碑永遠遵行該縣仍大書告示遍  
行曉諭俱毋違錯先具遵依送查等因并奉抄粘  
原

題疏橐內單開并福山徐六涇白茆鹿苑等地方勒  
石遵行

一康熙二十六年七月巡視兩浙鹽院爲嚴禁赤棍  
冒商紮詐以安鹺業事照得兩浙鹽商資本厚薄  
不同一遇消乏其家子弟身無片引猶然冒商遂  
有光棍唆聳結黨害人飛殃燒詐殷實良商疊受

荼毒痼弊已非一日本院蒞任以來訪得此等惡  
習最爲兩浙大害光天化日之下豈容魑魅現形  
除已往不究外嗣後敢有前項棍徒不思改弦易  
轍仍然冒商嚼商夥告夥証者一經告發審實定  
行按律重究各宜改圖勿再甘心罹罪

一康熙三十年十二月常州府武進縣爲

旨憲恩蒙優恤恣擾商業難安叩憲飭廉勒石永禁事  
蒙本府信牌開蒙鹽院批據商人王臣等呈前事  
詞稱伏讀鹺制遵奉



東修河清縣志 卷十一  
俞旨憲令凡商人遠來貿易寄居浮住一應雜派差徭概行優免自明迄今遵行無異商等掣配武進縣引鹽急公辦課全賴住賣獲安庶幾課餉不匱柰地方匪棍串通奸胥欺商異籍視為魚肉如修城修學造船修壇開河牽夫等項非苛索出銀即強派力役以致商等礙難安業切思商人辦課終歲不遑從無苛派差徭之事且優免遵奉

旨憲豈容胥捕擾害伏乞憲批常州府轉行廉縣勒石永禁科派等情奉批引商例有優恤豈可混派科

擾仰常州府飭縣勒石永禁繳等因奉此案照先奉江常鎮道批同前事蒙批仰常州府確查報奉經轉行該縣查議在案今奉批發前詞仰縣遵照來文逐一確議具由詳府以憑酌奪轉詳等因蒙此為查達部嵯規開載商人優免雜差事例內開鹽商遠來貿易寄居浮住委當給帖優免但不依期換給恐改業者得以影射新充者反無執照以後令綱紀商人將現在充商寓居浮住者開報花名住址與綱紀冊符同該司即便置帖呈送本院



東修河津縣志 卷十一  
三  
鈐印發司轉給執照凡遇一應僉報大戶督工辦  
餉火夫差役等項盡行優免其帖仍須一年一換  
以絕弊端等因又查本縣前任知縣黨文任內曾  
給有奉憲優免文帖舊帖現憑今奉鹽憲批據各  
商呈請勒石緣由相應仰遵勒禁但恐有冒商邀  
恩情弊除勒石遵守外仍應查照住賣引名置帖  
給與印照庶鴻恩不致濫觴商業永無淪替等因  
具詳蒙本府批開商民總屬

朝廷赤子皆當矜恤今既蒙憲恩恤商須分涇渭毋使

奸僧販戶冒濫夤充以致偏累窮民仰縣查照現  
在完課引商置帖給照不得一帖數戶影射朦朧  
賄免繳等因到縣蒙此除經查照現在住賣完課  
引商造冊開報置帖給照外相應遵憲勒禁為此  
仰闔邑里甲民人知悉鹽商辦課行鹽寄居浮寓  
凡遇雜徭如修城修學造船修壇開河牽夫等項  
概行優免該經承里甲毋得混派滋擾須至碑禁  
者

一康熙四十三年九月西路場鹽課司為齟制首嚴



東仁河法與憲 卷二十一  
三  
竈籍收鹽懇憲加給嚴示永禁善政久垂事康熙  
四十三年八月二十九日蒙鹽法道憲牌內開蒙  
鹽院批據商人汪文瑞等呈詞開稱切商等祖父  
相承買補西路場其中有自己掣銷者有代親族  
收買者俱係徽籍充商急公儻掣其住場竈戶以  
及土著編氓從無挂秤收鹽之事鹺制禁令首嚴  
毋容紊越蓋因竈戶只許煎燒歸商配引不得收  
積鹽斤自煎自賣而土著民戶一經收買則構梟  
興販其弊害有不可勝言者是以明季迄今雖有

強梁惡竈豪富奸民從無覬覦收買誠以鹺法森  
嚴毋致隕越也近蒙憲天整肅鹺網嚴示申飭煌  
煌

功令敢不凜遵但恐不法之徒串通豪竈結連私梟陽  
奉陰違均未可定必得勒石永禁庶可杜絕將來  
伏乞恩賜加示嚴禁飭場取具遵依勒石豎場永  
禁如有覬覦不法立即嚴提盡法究處俾鹺政肅  
清弊害杜絕善政永垂頂祝不朽等情蒙批竈籍  
收鹽重干鹺禁運司確議速詳繳蒙此本司查得



東傳可法與定 卷二十一  
三  
兩浙引目歲計八十萬餘道掣銷引鹽全藉各場  
買補諸商真偽莫辨故必編挂憲單開載某某季  
分商名引數照場搭派限以月日法綦嚴也各所  
商人領給憲單有自行赴場收買者有辦課在省  
商夥代為買補者鹽斤貯厥捆運候掣是掣銷之  
商雖非買補之商而掣銷之鹽是即買補之鹽各  
場皆同不特西路一場為然也今據商人汪文瑞  
等呈稱住場竈戶以及土著編氓挂秤收鹽有干  
鹺禁連名具呈蒙批查議第不法奸民惟知射利

罔顧鹺制並無商人保結私自開秤收買鹽斤窩  
頓構梟與販均未可定非奉憲行嚴禁恐蔓延滋  
甚奸竈豪民覬覦私買者又不特西路一場為然  
也況竈戶日煎鹽斤除配商外止令存留在倉毋  
許攜歸以防囤積今住場竈戶土著編氓一概不  
許挂秤收買以絕違例窩頓之弊似亦杜私肅鹺  
之法也詳候憲臺俯賜察奪頒示該場勒石永禁  
庶奸徒知有法紀鹽盡歸商課掣無悞裨益鹺政  
匪淺矣蒙批該司速飭西路場勒石豎立通衢曉



諭永爲遵守敢有住場竈籍土著編氓勢豪奸棍  
違禁挂秤收買致滋私弊立即詳解以憑盡法究  
處倘該場徇隱不報別有發覺定以溺職叅斥仍  
取遵依并碑摹呈驗繳蒙此仰場遵照立即鐫碑  
豎立通衢曉諭闔場竈籍以及土著編氓一概不  
許挂秤收鹽以杜豪強奸竈囤積構梟與販永爲  
遵守至竈戶日煎鹽斤仍令買補各商照常收買  
歸厥配引毋許攜歸囤積私售倘有竈籍及土著  
編氓勢豪奸棍仍前違禁挂秤私買者立即指名

詳解盡法究處該員如敢徇隱一經告發定以溺  
職詳斥仍具勒石碑摹遵依各二套送核轉送等  
因備行到場遵奉勒石

一康熙四十五年七月鮑郎場鹽課司爲瀝陳剝竈  
陋弊籲憲詳請勒石永禁事康熙四十年五月初  
三日蒙鹽法道奉巡撫都察院批本道呈詳看得  
鹽場竈戶居處海濱惟賴刮土淋煎辦課資生風  
雨寒暑不輟最稱勞苦本司蒞任稔知各竈艱苦  
訪聞不肖官役沿習往例借端滋擾隨將總催諸



東修河清縣志 卷十二  
項名色並本場一切陋例嚴加禁革屢經頒示通飭在案今據鮑郎場竈戶姚沖謨等連名籲請禁止海鹽縣公捐之項查民竈各有版籍而該場地界雖屬海邑該縣奉有應捐理應自備未便派累場竈且公捐名色現奉撫憲頒示通行禁革毋許仍前派擾里民官役尤當凜遵奉行茲據呈請在縣有公捐及差役至場供給當日飯食等費在場有現催保伍諸役督煎稽煎稽賣查比鹽斤過堂滾簿查竈鍋鏈捆運各衙門書差規例等項名色

各款查以上錮弊該竈戶所控屬真相應詳請憲臺批示通飭場縣一體凜奉禁革勒石遵守庶各場竈戶得以安業煎辦永霑怙冒之恩而積蠹奸胥不復藉派擾累等因奉批如詳通飭勒石永禁倘再違犯定行嚴叅究處仍候鹽院批示繳等因又奉鹽院批同前由據詳海鹽縣仍借公捐名色派及於場科累竈戶殊屬不合姑念已往免究如詳嚴禁其凡有場竈之縣亦一體飭令遵照通飭取遵依碑摹送核仍候撫院批示錄報繳等因蒙



東修河海鹽法志 卷十二  
此合行轉飭勒石永禁爲此仰鮑郎場官攢竈戶人等遵照即將詳內所開各場總催等項名色并一切陋例及有司派取場竈公捐等項及差役至場供給飯食等費并現催保伍諸役稽煎督煎稽賣查比鹽斤捆運各衙門書差規例一並禁革勒石場前以垂永久俾各竈得以安業煎辦不致積弊復萌擾累倘有違犯或經訪聞告發官則詳叅役則解究文到即具碑摹馳送轉繳察核等因備行到場蒙此合行立碑禁革一體遵奉毋違

一康熙五十五年三月嚴州府遂安縣爲商鹽攸關國計轉輸全藉疏通合行禁遏刁風遵例隨時貿易以培鹺政事抄奉鹽院憲示照得商人挾本行鹽服勞

王事歲銷八十萬之引目年徵數十萬之額課莫不由此諸商掣銷辦納是商人之責任繁重不爲不鉅然兩浙課地邇來外遭私梟侵害內受地棍把持所以課引日壅鹽法日弛而商業困敝矣本院奉命視鹺下車以來細加體訪蓋緣引鹽一項價值消長



東作兩河鹽法志 卷二十一  
不齊皆因天時之旱澇出產之盈縮查今歲自春  
徂秋霖雨連綿更兼風潮時作塘堤坍陷積澇淋  
漓沙土多被衝蕩煎舍半沒波濤海不產滷場不  
產鹽竈價日增倍於往昔在商人不惜重價購買  
終難足額是以前院次掣引鹽掣運不及十之五  
六再歷任墜引數十餘萬皆因無鹽配掣引不獲  
銷積引之課悉皆賠納是商人之勉力勤劬繪圖  
難罄況課價場本之外水腳舟車關津盤駁船隻  
有風波之虞河道有羈阻之患遲則經年速亦必

逾半載方得到地開賣工用浩繁成本甚重今之  
市價尚慮虧折奚堪再爲阻抑第查民間食鹽每  
口日用止約三錢以此計算終月不及斤許即市  
價尚有低昂不過在於釐忽之間何至藉口借端  
傾害本院復檢查達部齟規內開兩浙鹽斤因時  
出產價有低昂商人貴買於場安肯賤賣於市俱  
要貴賤兩平交易又康熙四十四年間部議應令  
各鹽差御史務須嚴禁俾私鹽永行杜絕官鹽勿  
致壅滯隨時得價發賣額課不致缺欠奉



東作西法 卷二十一  
旨依議劄付欽遵在案今商人已經貴買於場而若使之抑價賤賣課源虧耗將何轉輸商民均屬

朝廷赤子本院豈因責任視鹺厚於商而薄於民但鹽本即是課源若虧耗日深本空課絕倘或歇業逋懸關礙

國賦考成均非淺鮮況市廛百物民間需用甚多如米薪布帛等類悉皆隨時貿易並未抑之賤售預定價值之理而食鹽一項豈可獨為預定價值耶此皆蠹胥地棍借端侵陷希圖挾制擾詐除一面

再加確訪拏究外合行嚴禁示仰該府屬官吏胥役商舖兵民地方里保人等一體知悉凡商人運銷引鹽接濟民食轉輸

國課必俱凜遵部議恪守鹺規隨時得價發賣貴賤兩平交易如有不法棍豪奸徒胥蠹仍敢抑勒把持借端欺詐剝削商脂擾害商業致使引壅課虧轉輸不繼者或經訪聞或被受害商人指控輕則飛拏法處重則特疏叅究斷不姑寬仍貽鹺害該府縣身任地方務當留心疏裕勒石永禁倘再因



循泄視咎有攸歸等因蒙此勒石遵行

一康熙五十五年四月鹽驛道為通飭遵行永塞私徑事案奉鹽院批據商人王益豐等呈詳崇明縣改設倉場緣由行道查議隨據杭嘉紹松四所商人汪行遠等呈稱崇邑孤處海中汪洋環繞私煎最易徧緝為難且一帆直入引地即千里亦變私疆欲保內庭必嚴外戶是以

國朝定制不設倉場祇徵計丁之包課自食本地之鹽斤額設鍋竈八十六副添設即為私竈出境即

為私鹽復經前院特疏

題請申禁在案是一鍋猶禁私添若竟全更定法一害於本商再害於

國課三害於地方等由本道查得額設鍋竈尚多私鹽侵入如竟明聽煎燒勢必公行無忌不但近崇引地受害漸深而杭嘉亦遭流毒開海販入徑之門引梟棍出洋之路欲靖梟而梟愈熾欲足引而引反壅所請不便准行並將歷年崇奸袁陞等施枚等顧一鳳等施仁政等各案疊奉歷憲駁飭不



東作河海圖志卷十一  
准添設事由備詳申覆蒙批崇臬易侵引地定制  
不設倉場即邑自食煎鍋奉

旨猶嚴添設法防透漏內外截然歷案具存據詳已悉  
除將商人王益豐等一詞註銷不行外該道即飭  
該府縣實力查拆私鍋杜絕透越私販仍一面摘  
敘簡明事由勒石該道府縣衙門通諭永塞私徑  
取具遵依碑摹報查立案繳等因到道奉此合行  
通諭遵行

一康熙六十一年七月江南浙江各府州縣爲豁除

年限船犯以勵巡緝事奉鹽驛道憲牌開奉福浙  
總督部院批據太倉州長洲吳縣吳江崑山常熟  
嘉定七州縣會詳船犯季招銀兩奉陞任浙撫都  
院批開前任鹽驛道議詳蕭山縣呈詳功績贓罰  
將實獲鹽斤船犯分抵功贓免於捕兵名下追賠  
以勵力巡緣由奉批季招船犯銀兩業經鹽院准  
審事大人移咨永行禁革緣由到道通飭到縣其  
院額功鹽等又蒙鹽院通飭豁免窮役得甦積困  
各邑巡役啣沐憲仁復恐日久朦混重徵籲請通



詳江浙各院憲批示勒石永垂不朽等因奉批如  
詳勒遵仰鹽驛道即行飭知仍候各院批示繳又  
奉撫院批開仰鹽驛道查明勒石永禁遵報仍候  
各院批示繳各等因到道仰縣遵照憲批勒石即  
將碑摹申送奉此又奉本府信牌開奉布政司憲  
牌開奉江南江西總督部院批本司詳覆太倉等  
七州縣會詳院額功鹽船犯季招等銀原非解部  
正款奉陞任浙撫前任鹽院革除豁免之項准其  
勒石垂久緣由奉批如詳飭遵仍候撫鹽二院批

示繳又奉江寧撫院批開如詳移行遵照至此案  
先據浙鹽道詳蒙經檄行該府轉飭勒石在案仍  
候督部院批示繳各等因到司移道并行到府仰  
縣遵照即將該縣司巡鹽捕官兵名下向例起解  
院額功鹽船犯季招等銀自今豁免之後不致日  
後更改朦混重徵緣由遵照各院憲批允如詳勒  
石永行豁免取具碑摹申送以示垂久等因到縣  
奉此除各州縣分行勒石外案照事屬一例爲此  
將原奉憲行及呈請申詳事由備錄在卷勒石永



東傳西海鹽法志 卷十二  
垂不朽

一雍正元年九月鹽驛道爲運鹽官船例無封捉叩  
詳飭禁以全額課事據商人葉如春等稟稱課憑  
鹽辦鹽藉船裝故運鹽即所以運課也浙東行銷  
引地上至廣信府屬凡運到廣信之鹽例由玉山  
用船裝載抵信每歲行銷浙鹽課以萬計向蒙豫  
省各憲栽培商等無不感戴不意去歲秋間遭信  
屬蠹胥輒借漕運爲囹嚇詐鹽船船戶稍不遂欲  
硬將簍鹽拋擲河灘雨打日曬消耗鹽斤虧折課

本且將鹽船封捉耽悞銷賣阻絕運課竊思漕項  
固屬

國儲鹽課亦關軍餉並行不悖方得課餉兩全今信  
屬蠹胥擅將鹽船封捉索詐爲此連名公叩恩准  
詳憲檄行嚴禁引課有賴等情到道據此爲查兩  
浙引課全藉賣地轉輸邇年以來引課壅墮商力  
維艱歷蒙各憲洞悉優免差徭運鹽船隻飭禁不  
得封捉即浙江漕船連年凍阻悉催船駁運亦不  
封及鹽艘今據衆商呈稱信屬胥役借漕運爲囹



東修河海鹽法志 卷十二  
需索船戶耽悞引鹽不得不據情詳請恩賜嚴飭  
廣信府屬禁止封捉鹽船便商裕課戴德無既矣  
爲此備由具詳奉江西巡撫都察院批候檄廣信  
府飭禁繳

一雍正二年正月江南徽州府黟縣爲查取鹽法事  
宜事奉鹽驛道憲牌內開案蒙兩浙鹽院案驗奉  
戶部劄付內開山東清吏司案呈奉部題前事將  
休寧引鹽婺源分銷黟縣引鹽祁門分銷等因奉  
旨依議欽遵在案轉行各縣遵照外今據商人汪恒聚

汪宏茂等呈爲公叩飭禁等事蒙本院憲批鹽驛  
道示禁給碑遵守報蒙此合行知照飭禁爲此仰  
縣官吏遵照嗣後黟縣官鹽祁門分銷凡黟商運  
鹽到邑俱令彙齊漁埠著落官埠腳夫扛擡上店  
銷賣不許載入八都葉村檀口等處鄉鎮地方影  
射作弊紊鹺越販其現在達部行銷官鹽之商人  
汪恒聚汪宏茂汪恒泰汪時源汪開源汪濟生汪  
德昌汪聚和等八店俱有本道頒給印烙招牌住  
賣不許違例無結無牌私開滋弊并移知祁門縣



申飭各舖戶照例分銷黟縣官鹽不得縱私越境挑販紊鹺致干察究仍勒石禁約以垂永久取具碑摹呈繳備案等因奉此合遵錄檄勒石飭禁嗣後黟祁商民恪遵憲檄部議題請奉

旨依議欽遵事理黟縣官鹽祁門分銷凡黟商運鹽到邑俱令彙集漁埠著落官埠腳夫扛擡上店銷賣一應黟祁鄉城舖戶及肩挑人等俱赴漁埠商鹽官店採買以足引課毋得悖違倘有刁悍仍前越境挑販紊鹺經由往來該地方保長人等即行拏

稟以憑按律詳究如該地保庇縱不舉事發一并究處各宜凜遵憲飭禁約以垂永久毋得故違須至碑禁者

一雍正三年二月都察院左副都御史管理兩浙鹽務為頒示掣驗規例釐積弊以肅法紀事照得兩浙鹺賦為

國計軍需所關而掣銷運賣又為疏引裕課之本不容悖紊成規有干律禁本都院代巡茲土督理鹽政日以剔弊釐奸靖販除梟為念下車以來凡有



礙於行銷爲厲鹺業者莫不痛革力除總期上副朝廷委任之至意也至於商衆之良頑掣驗之利弊早已悉心採訪無不了然胸臆茲當開掣之期特爲嚴切告誡所有禁飭事宜亟應臚列曉諭凡爾官吏商民人等共相遵守勿視泛常倘敢違悖三尺隨加慎勿輕試自干法網

一禁科擾商人辦理課掣効力

公家本都院巡視浙鹺時存軫恤凡有厲商諸弊俱經嚴飭禁革目今按所掣鹽本都院向甘淡泊

一切日用蔬薪紙筆等物俱發現銀備買如有借名科派滋擾商民苦累行舖者察出定行提究

一重糾舉本都院躬臨按掣執法維嚴但知搜剔弊端毫無情面可顧況在淮視事凡有商弊衆商稟報本都院俱經究處今爾浙商亦各恪遵禁令謹守鹺規毋萌欺詐之心甘蹈森嚴之法至於甲商爲一所表倡發奸摘伏分所宜然凡有私弊亦即指名糾舉不得避



嫌容隱干咎

一察灰鹽各商買鹽配掣乃係

國課轉運根源且為民生日用之需故攙和有禁詎  
今各場竈戶嗜利作奸慣以灰滷漿鹽混交  
商販以致掣後行銷每多灰滓難於售賣厲  
商病民害莫大焉爾等各商將運到之鹽自  
宜淘驗如有灰滓即行指報以憑提究不得  
容隱自悞行銷

一稽引目所官職司查驗必須細心檢截如有

舊季引紙夾雜攙混即刻稟明查究若檢驗  
不清致被本都院察出治以扶同之罪至于  
攢書備造艙口文冊必要季分分明數目無  
錯先日呈送聽候察核不得草率錯訛

一稽秤掣商人捆配引鹽必有輕重不齊各商  
遵部法衡準斤兩預期搃配上掣之日本都  
院衡鑒在心低昂寓目爾工腳須細心彈兌  
秉公敲擊毋得簸弄手法任意輕重舞弊滋  
奸況本都院督理淮鹽深悉其弊痛加禁革



今掣兩浙商鹽釐剔更爲嚴緊如有重斤情弊察出重處不饒

一嚴到所杭所掣署獨在城中河路窄狹船式相同最難辨別向聞有輕重兩船掉頭影射之弊其來已久所以設立號票粘帖識認今各商船鹽概於掣前三日盡抵所下編定號數不許臨時進城其掣過鹽船給票實帖便於查驗則首尾有判然之分可無前項影混之弊敢有藏匿及鹽船逗留城外臨時趕入

者即以違例查究

一禁夾帶杭所鹽船有藏頭之名每於裝鹽出場之時串通押運人等夾帶私鹽窩頓僻地俟本船掣後過壩偷運上船帶販更有壩上奸徒包做私鹽售與船戶發賣大干法紀本都院察訪甚確除一面查拏究治外今鹽船過壩著令壩夫船戶開具逐日鹽數并具不致夾帶甘結送查如有前弊嚴拏重處

一釐夙弊嘉所河港四通支流雜出兼之地近



鹽場販徒絡繹運掣之際流弊極多如裝鹽船戶藉以船隻寬大有散艙夾底鴛鴦搭配名色以致夾帶零鹽分藏遮掩其弊繁滋本都院知之最詳除之必力凡赴掣鹽船必要預期編排臨時將蓬底盡行拆卸以便搜查至於掣過鹽船俱令停泊瀛塘橋外不許附近所下致滋奸弊如有故違定將船戶究處一速運賣掣驗之後即應領程開運豈容逗留如杭嘉松三所停泊水次紹所起堆壩地不

過一時權宜者若使久延不發保無船戶地棍偷灌影混之弊嗣後所掣引鹽通限一月內領取水程到地賣銷不得故延其盤驗及住賣衙門官役敢有悖違齟禁生端科擾致悞行銷許該商控究

一禁勒指紹所商鹽掣驗之後運至壩上必用腳夫扛擡豈壩夫人等自恃非伊莫能過壩矚商船回空緊要故意留難勒索重利若遇風雨泥濘反將鹽包傾擲滲漏沾污示以不



得不從之勢積習相沿由來已久夫以商人辦課之引鹽竟視爲若輩索詐之奇貨殊堪痛恨除現在查究外嗣後再有大膽壩夫仍蹈前轍故行勒指該商赴稟立提嚴處

一雍正三年十一月都察院左副都御史管理兩浙鹽務爲奏明兩浙公費事照得兩浙所轄溫台寧三郡銷引無多商力單薄一切雜費向不派及祇杭嘉紹松四所每年於每所內僉點甲商數人經管鹽務內一切公私之費查內中有關工食盤費

食用必不可省者固多而不急之務亦復不少大約每年所派不下四十餘萬兩除題明歸庫者共二十五萬八千六百九十兩外其餘雜費陋規勢必不能盡行裁去若不斟酌量減核爲一定之規恐甲商受人需索無力阻遏因而多派則散商資本消乏課額難完是以仰體

皇上愛民恤商徹底澄清之至意倣照兩淮雜費之例將浮費量行裁減總計舊存銀十七萬九十一兩九錢除酌減銀四萬四千四百八十兩仍存銀十



東傳河漢縣志 卷二十一  
二萬五千六百十一兩九錢若將此應存銀兩仍  
令甲商收支則一切無藝之費必仍向甲商需索  
而甲商不能遏絕勉強應付抑或借名肥已則諸  
費仍難永減今議將應存銀兩令該道於每年開  
徵之時齊集衆商核定每引應攤銀若干議明之  
後每所各給一用印議單照單付送置一公匣收  
貯臨時動用應支若干著甲商稟明院道分司公  
同照依定數給發不許於定數外分毫多支即或  
此外有不得已之處亦於應存十二萬五千六百

餘兩數內通融節省支銷不得另派院道仍不時  
稽查如有違例私派私收及官役需索商人應付  
情弊即行

題叅拏問徇縱並難辭咎庶幾商力不致困乏而課  
額亦得早完隨經分別應存應減款項造冊具摺  
奏明在案擬合就行爲此牌仰該道官吏查照牌內  
奏明事理即便轉飭該分司并傳諭各甲商齊集衆  
商人等將冊內核存公費銀十二萬五千六百十  
一兩九錢每所每引應攤若干公同議定各所立



一議單呈送核明印發照數交貯公匣該分司率同甲商經理出入務在畫一均平不得絲毫偏私凡有應支各項俱稟明本都院暨該道公同給發不許額外多支並各設立收支循環二簿送候印發登填其收者必註明某商若干引交銀若干兩其支者必註明某項動用係某商領給每至半月將印簿一留收支填註一送院道查核其各項銀兩並須加意節省至此外或有不得已應用之處俱令稟明公議於應存數內通融支銷仍俟一

年將滿將收支數目款項并節省銀兩該分司備造清冊呈送以憑核明酌奪如有違例私派私收及各役需索商人應付等弊該道立即據實詳揭以憑題叅拏問毋得徇縱并干咎戾本都院仰荷聖恩惟有一秉至公以期培商裕課斷不瞻徇情面代人受過仍將作何奉行歷久無弊之處妥議詳奪均毋違延

一雍正四年四月浙江巡撫都察院兼理兩浙鹽務為足課首重買補恤商務在安業事照得本都院



東傳兩浙鹽法志 卷十二  
巡撫浙江凡屬商民均同一視必期共安樂利以  
躋敦龐況復欽奉

恩綸暫理鹽務其所以裕課恤商之道亦難稍緩茲准  
部頒引目八十萬二千餘道到浙除現飭鹽道印  
作并飛檄各場上緊煎燒外爾商等務必多賚課  
本廣爲買補本額掣足有餘方著急公其有無力  
之商覓令有力代銷不得留難指阻致悞課掣至  
於兩浙鹺商之內每有片引不銷蓋引過掣遇事  
興波駕題捏控此等惡習殊堪痛恨合并嚴飭爲

此示仰杭嘉紹松溫台正票甲散各商知悉嗣後  
務須各安本業上緊買配場鹽照額僱運赴掣竭  
蹙辦納課餉慎毋玩延挂欠倘敢仍蹈前轍本都  
院執法從事斷不稍爲寬徇也慎毋輕試凜之

一雍正四年四月浙江巡撫都察院兼理兩浙鹽務  
爲飭禁刁訟誣告之積習以安商業以肅法紀事  
照得浙屬痼弊每多健訟而鹺業中尤甚或微嫌  
小隙輒起爭端或捉影捕風動成告訐更有一等  
借他人之鹽蓋自己之引巧立名色希圖取利每



以告狀作生涯竟視公庭爲兒戲稍不遂意即以科派大題妄行上瀆結黨挾制牢不可破本都院下車之始即已訪察得實今復欽奉

諭旨暫理兩浙鹽務若即行拏究未免不教而誅合亟嚴禁爲此示仰兩浙衆商知悉爾等務要洗心滌慮痛改前非倘有怙惡不悛仍前借端生釁駕題妄控者一經察出定即拏赴轅門立斃杖下本都院言出如山法在必行各宜猛省毋致噬臍凜之慎之

一雍正四年四月浙江巡撫都察院兼理兩浙鹽務爲剴切勸導私販亟圖別業謀生免罹

國法以保身家事照得私鹽之禁律例森嚴若有違犯拏獲到官輕則杖徒軍流重則絞斬梟示煌煌功令孰敢不遵今查兩浙地方邇年私鹽充斥漸至莫可禁遏蓋因無知愚民或被梟徒煽惑或爲地棍誘引俱以販私爲業甚而結黨成羣假冒貧難名色船裝陸運潑膽公行一遇兵捕巡查輒肆逞兇格鬪以致拒捕傷人釀成大案者不知凡幾推原



其意不過圖利起見殊不知事發之日本利盡屬  
烏有而且身禁囹圄迨至審擬成招身首異處者  
有之遣配他方者有之試問斯時本利而本利已  
歸贓款求其卸罪而卸罪又不可得別父母拋妻  
子棄家園受痛苦一慘至此求免得乎總因愚而  
且貪不知

朝廷律例只圖興販獲利罔顧身干法網言念及此不  
勝痛恨茲本都院自暫理鹽務以來日據州縣詳  
報患病斃獄者案牘若鱗披閱之下深堪憫惻用

是開誠勸諭以期悔過遷善為此示仰按屬官捕  
兵民人等知悉當此

昇平盛世各宜安分或農或賈各執一業皆可謀生切  
勿仍前販私自罹法網若有藐玩不遵許所在官  
役兵捕立時拏獲詳報定即按法倍處斷不稍為  
寬宥本都院諄諄勸戒無非為爾等惜性命保身  
家仰副

聖天子愛養元元之至意其各猛省毋貽後悔凜之慎  
之



一雍正四年五月浙江巡撫都察院兼理兩浙鹽務  
頒示熄火災訓勸諭杭城內外士農工商兵民人  
等知悉杭府爲浙省首郡民居稠密向多火災今  
年更甚本都院留心博訪或云鳳凰山以離龍入  
首在南方火位且歲值丙午因北方水位之拱宸  
橋塌陷水弱不能制火或云城內小河淤塞西湖  
之水不得貫注入城水火無以相濟或云鎮海樓  
之真武神像重修供奉可以制伏火災此數說者  
雖係風水渺茫之言在本都院欲爲百姓救災弭

患寧信爲有莫置爲無現在飭議將拱宸橋已經  
設法捐修勘明西湖入城水道開濬建閘引湖水  
入城將鎮海樓真武神像裝塑供奉而西湖已據  
鹽驛道捐資開挖並多設救火兵役嚴拏放火兇  
徒凡有可以消弭之道無不留心舉行更思火患  
固係天災而感召亦由人事本都院雖撫浙未久  
應與爾百姓休戚相關或有政事闕失不能感格  
天心中夜徬徨亟思修省但恐爾等賢少愚多趨  
薄失厚平素必有喪失良心敗壞風俗垂理傷和



東作兩河縣志 卷十二  
之事以致天怒人怨降禍招殃誠不可不急急猛  
省者如斛斗不遵部頒有江斛京斛之名有河斛  
蘇斛店斗店升之號用秤不遵十六兩為準有十  
七兩以至二十兩及買頭秤之別用銀則換低潮  
為搭頭用錢則兌私鑄以攙入紬緞則上油粉加  
水頭米豆則雜糠粃加粉泥食鹽則攙石灰和砂  
土魚肉灌水鷄鵝塞食甚至蔬菜之微亦必隔夜  
浸泡喫用之物莫不造假亂真諸如此類數之不  
盡皆因起於一點要占便宜之念頭遂致背後瞞

心昧已當面說謊掉舌喪盡天良不顧廉恥習慣  
囂風竟成自然大家會心恬不為怪矣殊不知爾  
要便宜誰肯喫虧譬如以重秤而買灌水魚肉以  
低銀而買油粉紬緞爾既欺他他亦騙爾算來兩  
無便宜彼此徒壞心術則亦何益之有哉夫因果  
報應之說聖賢不以教民而詐偽險刻之人造物  
之所最忌故陽惡者必有顯戮大則身首異處小  
則枷鎖囚牢陰惡者必遭冥誅大則子孫淫天小  
則惡毒苦病惟有一等機謀用事刻薄存心好占



便宜之人雖爲陰陽兩惡之報所未及加而天譴  
默默已不能爲喪心者宥是以付之一炬以先示  
儆使爾平生千思萬算千辛萬苦曖昧刻削之家  
私損人利己之積蓄頃刻化爲灰燼到此一無所  
有平昔機謀何在報應不爽未有甚於此者而杭  
民癡迷不悟人人仍蹈故習詐僞成風狡頑是尚  
損良心以圖小利逞詭智以傷天和無怪乎火災  
接踵而挽救難回也本都院政體惟以正人心厚  
風俗爲先務久欲將此等惡俗嚴行出示禁革違

者繩以重法又念此風之由來非止一日猶如病  
入膏肓一時難救犯法者多勢必枷責滿街日事  
敲扑且恐衙役乘機需索擾累即使暫改於外未  
必實悔於心本都院爲爾百姓大公祖官分雖尊  
而情則親未有子孫犯法受刑而祖父不惻然傷  
心者亦未有子孫愚昧癡迷而祖父不諄諄教誨  
者用是略去文告之繁特申勸諭之法常言俗語  
使爾易知苦口婆心使爾感悟刊刻刷印遍帖城  
鄉凡爾父老及讀書識字之人將此道理開示愚



東修司法監志 卷十一  
蒙轉相勸化使知便宜不可占亦不能占奸邪不  
可爲亦不容爲舉前項所指及開載未盡之意務  
須實心愧悔痛改前非一人改之漸而百十人漸  
而千萬人則人心皆正一月不能改遲之二三月  
遲之一二年則風俗自醇有如敗子回頭惡人從  
善父母豈不喜歡天地豈不寬宥人心回而天意  
轉庶幾火災永熄家道豐盈如此纔是大便宜之  
處所謂盡人事以挽回天心者此也若勸諭之後  
仍然不改則是冥頑無知既爲天理所不容亦爲

王章所不恕本都院惟有執法以從亦可免於不教而  
誅之誚矣望之望之母忽毋怠

右雖不關鹽政但查前項積習相沿成俗客籍  
漸染既久其謹愿守法者固多而刻薄嗜利者  
正復不少尤宜亟加猛省痛自改悔故附錄於  
此以示永戒再聞籍中有捐資製備救火器械  
催募救火鄉兵思患預防立法未始不善然求  
熄於既燎孰若求熄於未然止爭一念厚薄之  
間所操者約而所全實多況由此而人心漸正



東修兩浙鹽法志 卷十一  
風俗還醇以成

聖世一道同風之化豈特救災息患而已

一雍正四年六月浙江巡撫都察院兼理兩浙鹽務  
為特飭酌減鹽價以期商民兩便事照得商鹽運  
賣上關

國課下濟民食必須公平貿易庶幾兩無虧損今本  
都院辦理鹽務以來訪得蘇屬鹽價每斤賣錢十  
四文因市價過昂不便於民是以每斤核減二釐  
俟新鹽掣後再減二釐其太常崑嘉四處亦照現

賣之價量減二釐隨經出示飭遵在案今查崑山  
青浦長吳等處市價仍屬高昂以致民食艱難殊  
失本都院商民一視之初心除檄飭蘇松常鎮四  
府并太倉州再行查禁并出示曉諭外合亟嚴飭  
為此示仰該屬官吏商民人等知悉務將商鹽按  
遠近運腳工本合算照市價秉公酌減定數飭令  
商民遵照務使公平交易不許徇隱偏袒有礙  
國課民用至於不法鋪戶膽肆攙和灰沙擅用短秤  
發賣等弊所在官役即行查拏究詳聽候本都院



東傳西海圖志 卷十一  
核批發落如敢故違不遵任意昂價病民以及地棍借端抑勒生事擾商者該管官吏扶同徇縱仍前偏累本都院一有見聞定即叅處決不寬宥均當凜遵慎之毋忽

一雍正四年八月鹽驛道爲請詳飭禁以安商業事據紹所商人吳隆芳等稟稱切芳等紹所引鹽全藉徽屬運賣而徽屬中惟休邑銷鹽最廣蓋緣僻處山陬遠離場竈私販無由而至居民食鹽悉赴商舖零星貨買詎遭大洪巡檢差役妄拏指爲私

販以鹽梟聚衆等事越詳蒙院憲洞悉商情批飭查休寧縣引鹽年銷六萬餘引小民以貨易鹽此係商民兩便之事且又遠離場竈地居山僻私鹽何從透越今據詳大洪巡檢差役四路阻遏以致小民裹足鹽壅引滯等語如此擾害商民阻撓鹽法深屬不職仰徽州府嚴飭該巡檢速行改悔遷善安分供職若再擾害貨易官鹽之小民即行揭報候叅并諭商照舊行銷以濟民食仍候督部院批行繳等因商困得甦但休邑隔屬離省寫遠鞭



長莫及誠恐陽奉陰違叩稟恩賜鼎詳嚴行飭禁  
永杜阻撓俾商民得安生業引課得賴轉輸等情  
據此案為鹽梟聚眾等事先據休寧縣具詳前事  
到道除轉詳批發外為查休邑遠離場竈向無私  
販雖有肩馱背負者俱係向商貨易之官鹽今該  
巡檢妄行阻遏勢必引壅課墮擾害商民莫此為  
甚合行嚴飭為此仰該巡檢遵照嗣後凡遇民人  
買負官鹽毋許借端縱役妄拏致滋擾害出具遵  
依呈送本道倘敢仍前阻撓希圖勒詐察出定行

詳斥決不寬貸毋貽後悔凜之慎之

一雍正四年八月鹽驛道為懇詳運鹽之弊恩准更  
運裕課事本年四月初十日奉巡撫都察院兼理  
鹽務批溫州府通判詳稱據處州府宣平縣知縣  
詳據商人龐弘盛呈稱切宣邑鹽額二百引緣邑  
坐山僻水陸運鹽船簿遞換肩挑過嶺交替多次  
沿途不免鼠偷是以攬灰抵重遲延到縣不堪食  
用以致官鹽壅滯逋年欠課若非設法更運勢必  
國課仍然疊欠合情呈請將宣邑以後發運引鹽不



用草包裹引特設竹筐裝運先將竹筐較秤斤兩除筐合算引數封蓋過關則一路鼠偷攬灰之弊得除淨鹽到宣民悅私斷永久裕課等情據此擬合詳請等情到職備據縣文理合詳請憲臺批示遵行等情奉批據詳草包改用竹筐則沿途得免鼠竊攬灰似屬可行但筐裝之鹽務要仍符包裝斤兩之處均未議及作何飭遵恐滋重斤等弊仰鹽驛道查議詳奪繳等因奉此轉行溫巡廳查覆去後今據該廳申稱遵即轉行批驗所傳集各商

妥議間據溫所商人王大椿等呈稱查得溫所僻處一隅產鹽於海濱之外銷賣於萬山之中自鹽場裝至賣地幾經盤駁換簿其掣運艱辛惟溫所為最而灰鹽之弊害商害民流毒甚深今考其弊有三一在場竈之攬和一在船戶之偷拌一在衙蠹地棍之生事三者不禁而徒改換竹筐其弊終莫能止也敢一一陳之溫所三場竈產惟永邑一場最廣派銷處屬額引亦多查場竈用灰之始鹽將煎乾用灰少許和以清滷名曰灰飲一鍋之中



不過杯勺取其易成今則不然平日浮面清滷私煎上白鬆鹽父兄煎燒子弟興販餘下濁滷煎燒交配不待煎乾多用生灰攙和稍噴不收終年無補先年常蒙院憲差取各場鹽樣尚有顧忌續念溫所寫遠專差難免滋擾寬恩免取豈期竈戶不仰體院憲恤竈之苦心反為若輩叢奸之弊藪今欲斷除此弊乞飭該場大使取具各竈戶甘結五竈互結嗣後煎鹽不許多用生灰只許照前少用灰飲如有故犯除將該煎丁照律究擬外仍將五

竈失察同科更於每月起煎之期著令保伍赴就近司掣衙門呈驗鹽樣日後衆商掣運到所驗明包內之鹽照依鹽樣一色潔淨如係溼爛黑色灰鹽即查買自何場何竈立提該竈並五竈一體嚴究庶幾竈戶畏法其用生灰之弊可止溫所載運官鹽或用本地梭船或用福建三板每船僅載十引假如一商掣鹽百引需船十隻不能分身押運此船戶鼠竊拌灰之由來也細查其弊只去銀二三錢買灰百斤拌入鹽內見滷生重即可偷竊二



東修兩湖鹽法志 卷十一  
百餘斤價值一兩五六錢不但草包易於作弊即分篋後亦可作弊今欲斷除此弊乞檄行溫郡司掣衙門將本地梭船情願載鹽者報名入冊編爲鹽字號免其差使只令裝鹽五船立一船長列爲一幫取具互結并取船長甘結如有一船作弊四船同罪倍治船長以失察之罪其福建三板船散居處郡松龍二縣檄行總捕廳照依一體飭行庶幾船戶畏法其鼠竊拌灰之弊可止商人銷引辦課用價買鹽豈不欲置買好鹽易於脫賣無如鹽

遭竈戶船戶之害色味兩變疾首痛心非不欲出首呈究而官良胥暴地棍借事生風或紮詐銀兩或公呈陷害所以衆商隱忍不敢首報致日深月久釀成禍階今欲斷除此弊乞檄行溫處兩郡各衙門嗣後船戶拌灰許令商人首報只將該船治罪不許胥蠹地棍生事詐害波累商人如有紮詐陷害許受害商人控告即以光棍律論庶幾蠹棍畏法商不受害明目張膽遇灰輒首而灰鹽之弊可止伏乞轉詳上憲恩准飭行其弊旣去則商人



龐弘盛呈請改用竹筐之處未免紛更不如仍循舊制之爲便也等情據此擬合據情申覆等情到道該本道查得商人龐弘盛因買補掣運每遭腳夫船戶沿途偷竊以致攙灰抵重病民病商呈請將裝鹽之草包改用竹筐此不過一商一邑補偏救弊之意奉憲批查本道遵行查議今據該廳申據溫所衆商會議公呈三款殊爲明切查竈戶攙灰久奉查禁而船戶偷拌與胥棍生事尤爲商害似應俯如所請轉飭廳縣各官嚴加查禁實力遵

行則裝鹽可以仍用草包無事更張而偷竊攙和之弊可絕其於引課似屬有益緣奉前因相應詳覆伏候憲臺批示飭遵奉巡撫都察院批仰即轉飭廳縣嚴加查禁先取各遵結報查其改用竹筐之處併飭宣邑商人仍循舊例遵用草包裝鹽不得更張滋弊繳

一雍正四年十月浙江巡撫都察院兼理兩浙鹽務爲愚民始終不悟再行開誠勸諭務期盡行改業以全身命事照得鹽務關係



東作西泮監志 卷二十一  
國課私煎私賣重干禁令本都院兼理之初早已剴切勸導出示曉諭在案乃視事以來披閱案牘各屬報獲無日不有夫與販私鹽一經拏獲輕則杖徒重則成辟豈爾民果盡不畏刑法不顧身命耶良由止知嗜利未曾通盤算計以冀倖免一時並不清夜自思士農工賈以及百業皆可營生爾民果能安分竭力謀生何患乎衣食之不豐足況鹽捕一役最爲爾輩蠹賊爾輩販私必欲買通鹽捕若能多錢賄囑始得安然販賣稍拂其慾即行拏

獲報解是爾等販私利歸鹽捕罪坐本身懵懵然如飛蛾之投火小民愚昧殊堪憫惻今本都院因愛惜民命起見故不憚諄切告誡爾等自今以後急當猛省常以父母妻子爲念官刑

國法爲心自不致妄干非義各守本分端務本業以爲循良百姓豈不身安心樂較之於冒嚴例捨身家以拚命圖財十二時中驚魂動魄而究之事犯之日披枷帶鎖擬杖問徒甚至囚禁囹圄命在顛危財終烏有豈不徒受罪戾即使所犯從輕示



東傳河津縣志 卷十二  
法亦何面目以見鄉黨若云離却販私便至餓死  
此尤本都院所未之信者也況一切捕役爾等素  
受其累今一旦幡然改業其奈爾何是止有嚴比  
捕役之期斷無刑訊爾等之事矣嗟爾愚氓何難  
猛省倘以地方各官不能披誠感化以致欲改無  
由者有之故本都院不厭諄切用再出示勸諭三  
令五申無非要爾等作一好人以享昇平之福耳  
爲此示仰按屬一應軍民人等知悉嗣後有能當  
下改悔務本守正者即係良民縱有以前私販舊

跡因別案牽連發覺者槩可從寬不究其有兄弟  
子姪以及親戚鄰友輩販私之人即以此示大義  
轉相勸導令其悔悟改過自新營謀正業以保身  
家如不悔悟反以苦口爲讎准勸導之人於就近  
地方官具實將所販私贓一併出首按查得實定  
加獎賞亦不得以無據虛詞妄行裁害倘終不悛  
改執迷故犯一經被獲

王法無情何能更爲爾輩祝網各宜痛改毋致噬臍  
凜之慎之



一雍正四年十一月浙江巡撫都察院兼理兩浙鹽務爲再申嚴禁賭博之令除惡習以安民業事照得賭博害民定例嚴禁文武失察均干處分浙屬地方自本都院下車以來頒示飭諭并派官弁兵役嚴行巡查今省城滿漢兵民亦知畏法守分漸改積習又近奉

特旨申嚴官吏紳衿兵民賭博從重治罪之條誠恐外郡鄉僻鎮市仍未周知惡習尚在本應即行嚴拏懲以重法但念貪愚之人漸染旣久遽加處治未

免不教而誅殊非本都院愛民革弊初意姑再指出害人實處痛切曉諭大凡賭博之初皆起於一念貪財希冀白手贏錢以爲快樂遂有奸惡地棍開場設局引誘人家浮浪子弟入夥聚賭或呼兄喚弟蜜語甘言或美酒佳肴爽心適口先則假輸數場與以甜頭後則勾合多人放出辣手愚夫旣墮術中急圖翻本豈知愈救愈窮直如無底深坑再難填滿資財盡而推屋抵田家產空而賣男鬻女多少富厚之家至於貧無立錫者何可勝算若



原係中人之產則如湯潑雪立見銷亡更不待言矣乃好賭者迷而不悟尚思人能贏我我亦能贏人不知賭場即同陷阱無論骰有鉛砂牌有插換尋常之說話有暗號侍立之僮僕有記認即同賭之人有積年高手慣啣賭飯者名曰相識又善能倒脫靴勾通作法照股烹分滿場傀儡無非愚弄一二人況乎開場者有坐頭幫閑者有抽頭伏侍者有飛頭有彩頭但見籌馬往來不復吝惜孰知銀錢銷算盡入囊家又何苦以有限之資財飽無

窮之谿壑哉且賭博之害更不獨坑人資財已也如迷戀既深晝夜不輟失饑傷飽神耗精疲病中為人厭惡死後為人唾罵者有之或積輸成憤老羞變怒爭鬪殺傷行兇抵償者有之更或父兄拘管悍妻掣肘錢財不能自專索債凌辱難忍非情極自盡即逼妻投繯者有之是因賭博而釀人命矣如殘夜深更散場結局贏者挽之不放輸者驅逐離門面紅心熱欲罷不能思恢復以無資遂穿窬而行竊者有之或始猶鼠竊狗偷漸即心雄手



滑賭伴商謀成羣劫掠者有之是因賭博而流盜賊矣又如蕩子夤夜不歸艾婦空閨獨守強梁惡少乘機漁色者有之或賭夥雜沓內外不分目挑心招踰墻鑽穴者有之是因賭博而啟姦淫矣又如旗迯流棍東竄西奔飄泊無依安身賭場者有之或流娼土妓借呼盧以勾引良家巨盜積窩假擄蒲而招集亡命者有之是因賭博而藏奸匪矣種種賭博之害至於如此其極而好賭之人毫不知改譬如飛蛾投火豈不大堪哀憫本都院更爲

爾等思之紳衿士子身列衣冠便分等級一至聚賭則廝養下賤皆得狎侮欺人人品旣喪何以教導子孫商賈工匠血本經營辛勤力作或拋妻撇子跋涉他鄉或早起晏眠勞傷筋骨錢財非是容易豈堪浪擲泥沙至如鹽商子弟習尚奢靡性耽遊戲更易爲旗棍引誘從前曾有兄弟好賭將伊父鉅萬家資數年蕩盡題叅問罪死無棺衾者可爲炯戒再若營伍兵丁所領錢糧皆關身命分釐俱有定額一年能得幾何若再好賭花消毋論不



東修河清縣志 卷十一  
能養活勢必悞公革糧流爲餓殍更有種田傭工之輩所得些須銀米皆係血汗換來乃一入游湖之局悉皆花費無存父母號寒妻兒啼饑竟置不顧近今嘉湖屬縣各處鄉村設有日載小船往來縣城市鎮者端於船內誘人游湖村農因事入城被其局賭多致空手而歸此等棍徒又與刦盜何異而地方各官不行查拏任其縱惡成何法紀本都院三令五申總爲愚民無知不忍遽加刑罰是以婆心苦口冀其痛自改悔若再怙終不悛是實

故意犯法斷不寬容爲此出示曉諭仰所屬官吏軍民人等知悉嗣後如有此等不法之徒仍前窩賭開場及復犯賭博者或經查拏或被首發悉照近奉

特旨定例從重治罪紳衿有犯一體嚴拏叅革加倍重處地方文武不行嚴緝或同寅自行賭博借馬弔爲名經人首出或別有發覺定行指叅鄉保鄰佑徇隱不首及吏役光棍借端索詐者一并究處其有被贏出首者審實仍准追還各宜洗滌穢腸毋



東修河清縣志 卷二十一  
負本都院惓惓之意特示

右亦不專爲商人子弟而設而席豐履厚逸則防淫尤爲爾操奇贏者戒附志於此以示

聖朝化民成俗之至意云

一雍正五年三月鹽驛道爲場鹽倍貴賣價難虧呈請隨時貿易以濟商本以保課源事本年二月十六日奉巡撫都察院兼理兩浙鹽務批據杭嘉紹松四所商人吳永豐等呈稱兩浙商小本微買場賣地惟憑時價今值秋冬陰雨土溷不起柴草又

貴場價騰長公籲賜檄各賣地隨時發賣等情奉批據呈陰雨土溷不起場價騰貴若令長價有累民食若照價發賣恐妨課稅仰鹽驛道從公安議分析具覆奪奉此該本道查得食鹽一項民間日用必需全賴價值公平貴賤隨時庶幾商民兩利上年因時價過昂蒙憲出示酌減江浙小民歡呼歌舞今緣陰雨連綿溷稀柴少場價加增發賣虧本致據各商具呈憲案捧讀鈞批仰見憲臺恤商愛民一視同仁至意伏查定例鹽價並無一定原



東作西法縣志 卷二十一  
令隨時貿易今場價既增則市值不能仍減亦理勢之必然者本道仰體憲懷平情謬議似應俯念課額所關賜復上年核減之價以免悞公俟場鹽旺產仍令照時核減庶免累民等因具詳奉批時值陰雨滷稀柴少場價加增姑如詳准復核減原價隨時貿易以全課餉該道星即轉行各道府并飭四所衆商一體遵照仍不時查訪毋使借端高擡病民俟場鹽旺產之日具詳檄行核減可也此繳奉此除移行各道府遵奉外合行出示曉諭示

仰商民舖戶人等知悉嗣後運到引鹽悉遵院批隨時貿易公平買賣俟場鹽旺產之日再行照時核減該地方官捕仍不時查察倘有奸民用強短價生事擾鹺及潑販售私者立即查拏詳報究懲各宜凜遵

一雍正五年閏三月浙江巡撫都察院兼理兩浙鹽務爲禁除陋弊以甦竈困事照得兩浙場竈計丁授地坵舍煎鹽專爲配銷官引而設實有關於國計民生祇緣場地坍漲不常遂致廣闊靡定所以



竈舍有額設而滄桑不能無遷移乃竈丁作奸乘此私煎偷售或掩映私竈弊端種種難以枚舉故鹺制頒給印帖以別官私例應三年一換以杜影混法至善也然而除竈弊即貽竈害又不可不亟為釐剔查往年換給之時鹽政衙門俱令差承賫發向有紙硃飯食等費每張派取四五錢多至一兩上下而該場官役又以挂號蓋印名色任意勒索取即保伍工腳亦有派給奔走酬勞再加鹽道分司衙門換給竈帖門牌俱有索取計每竈領帖約

費二三兩不等嗟此熒熒竈戶何堪層層剝削本都院兼理兩浙鹽務以來每思凡有利益商民竈戶之事無不留心體察豈忍復踵陋弊不恤其艱今團聚已定且當換給之候故特捐備竈帖飭發各場大使頒給衆竈收領所有給帖陋規槩不許索取分毫除行鹽道分司各衙門一體禁革外誠恐各竈未能週知合亟出示曉諭為此示仰該場官攢保竈人等知悉即將發來竈帖該大使於比鹽之期傳齊各竈親行分給即取領狀彙送查考



東修兩浙鹽法志卷十二  
慎勿違禁派擾致滋竈困如敢索取分釐告發訪  
聞立即拏究問擬決不輕爲姑縱倘有不法棍徒  
串同場霸人等借名派取擾累者許竈戶就近呈  
控該大使飛報本都院提究若竈戶私行派送一  
有發覺與受之人俱必按名嚴拏從重治罪該大  
使徇隱不報察出一併究處本都院言出法隨各  
宜凜慎毋致噬臍

勅修兩浙鹽法志卷十二終

勅修兩浙鹽法志卷十三

蠲恤

鬻海之利惟在雨暘時若而後歲辦可期一有不  
時斥鹵先罹其患

聖朝軫恤多方無遠勿届而兩浙商丁遭逢尤盛  
皇仁所被直與海波同其汪濊已志

蠲恤

明季各運司鹽課官吏加耗重收分外科斂正課  
之外如遼餉練餉召買等加派名色不一而足順



東仁河治國卷之三  
卷十三  
治二年六月間已奉有

恩詔蠲免第是時浙東全閩尚為唐藩竊據未得一例  
邀

恩順治三年既定浙東遂取閩越順治四年二月十二  
日欽奉

恩詔內一款浙閩運司鹽課前代天啟崇禎年間加派  
名色甚多深為商厲令盡行蠲免止按萬曆年間舊  
額按引徵解

順治三年九月兩浙巡鹽御史王顯題為早頒徵

課之制等事戶部覆

准浙東初平驚鴻未定應廣示招徠鹽臣疏請開徵日  
期與蠲免分數應遵

恩詔以地方歸順之日徵收為始而蠲免分數當從三  
分之一以信

明綸

順治十六年二月兩浙巡鹽御史于嗣登為舟山  
鹽課等事題稱定海縣年額水鄉蕩塗商稅正雜  
鹽課共銀一千七百三十餘兩舟山派徵銀八百



東傳內河鹽法志 卷十三  
七十四兩零越居海外十二年十月內海逆盤踞  
十三十四兩年錢糧一槩虛懸今從前之舊欠以  
後之正額似當並為開除等因戶部覆

准查舟山自十三年奉

旨起遣人民錢糧既無追徵相應免其徵解

康熙四年四月戶部為遵

諭陳言等事覆掌京畿道御史顧如華題前事查兩浙  
運司遷徙無徵銀兩屢經巡鹽御史題請除豁臣  
部具覆仍令攤派見在各場認納今康熙四年三

月初五日欽奉

恩詔一款內開鹽課積逋催徵不得者著察明亦准酌  
量蠲免已經通行各省果於催徵不得應令該御史  
查明具題蠲免

康熙四年七月松屬下砂三場袁浦場海寧許村  
場山陰錢清場嘉興西路場產鹽之地遭颶風淫  
雨海嘯潮衝房舍漂流田禾淹沒各竈離散民不  
聊生九月兩浙巡鹽御史張志尹會同督撫具題  
勅下戶部行令該御史速將被災各場竈民設法招徠



賑恤毋誤煎鹽辦課

康熙十三年十月兩浙巡鹽御史許賓題為浙東  
寇亂商資掠盡等事戶部覆

准該御史疏稱紹所引鹽例派金衢等屬地方運賣因  
閩逆變亂前掣之鹽既無處運銷應將金衢嚴廣  
四府康熙十三年夏季起鹽引行銷一半其餘一  
半繳部俟地方蕩平之日仍照原額行銷

康熙十四年四月浙江巡撫陳秉直題覆紹所引  
鹽向由嚴屬淳安縣溪河運至徽州府發賣上年

四月間閩逆反叛土寇竊發淳安運道阻絕徽州  
郡城失守屬邑鄉市先遭賊寇蹂躪商民逃散徽  
屬地方不能行鹽實自夏始所有額引應與金衢  
嚴廣四府一例減半行銷等因戶部覆

准該撫既稱徽府地方不便行鹽實自夏始應與金衢  
嚴廣四府一例減半行銷

康熙十五年二月兩浙巡鹽御史單璧題稱紹所  
引地金衢等府雖經平復但兵燹之後民多逃失  
戶口寥寥而江常開三邑仍然阻路廣信一郡隔



東修河海鹽法志 卷十三  
絕未通商力凋敝額引難銷等因戶部覆  
准紹所暫減三分行銷俟江常等縣恢復廣信路通之  
日即照舊行

康熙二十年十二月二十日欽奉

恩詔內一款康熙十七年各行鹽地方起增閏月課銀  
除已完外如拖欠者該巡撫御史保題到日優免此  
後閏月停其徵收

康熙二十三年二月兩浙巡鹽御史巴錫為遵

旨會議奏銷等事題稱前任御史詹哲任內應行引目

因霪雨連綿場鹽缺少未銷一十二萬六千四引  
今各商議以康熙二十三年為始分為三年附銷  
庶新舊之引無礙而各商之本無虧等因戶部覆  
准前任御史未銷鹽引鹽課銀兩既已全完其分年帶  
銷之處應如所題分年帶銷

康熙二十四年九月戶部為商累未經

上聞等事覆河東巡鹽御史李時謙題前事查康熙十  
五年因需餉浩繁臣部議令各鹽差每引加課五  
分事平停止等因具題行文在案二十一年河東



巡鹽御史傅喇埜具題請停加課五分臣部議覆  
大兵尚未全撤不准行在案應將所題之處毋庸  
議十二月初二日奉

旨大兵已經全撤著再議具奏欽此該臣等議得每引  
加增五分原題事平之日停止等語今大兵已經  
全撤相應停止通行知照可也十二月十九日奉  
旨依議

康熙二十六年十一月戶部為攤課代輸年久等  
事覆兩浙巡鹽御史常翼聖題前事疏稱兩浙溫

台寧各場遷置界外課銀無著部議將無徵銀九  
千五百餘兩暫令內地各場均攤徵補歷經多年  
苦累已極今值

大赦凡康熙十三年以後加增稅銀槩蒙豁免伏乞  
恩詔普頒將攤課悉與減除等因前來查該御史身在  
地方目擊兩浙遷海關課窮竈代輸年久苦累會  
同該督撫具題請蠲相應悉與減除可也奉  
旨依議

康熙三十八年四月初五日浙閩總督郭世隆題



東傳河海鹽課志 卷十三  
六  
為萬商感沐

皇仁等事看得兩浙鹽課額徵銀四十萬兩自康熙十  
六年奉文加增銀六萬二千七百餘兩歷年照額  
徵解今據該商方永昇等以拮据難支懇將加增  
之銀 恩豁等情伏查兩淮加增鹽課蒙

皇上軫念商民恐致匱乏於康熙三十八年四月初二  
日

特霽綸音將加增四十萬兩內豁免二十萬兩欽遵在  
案今兩浙加增課銀應否豁免出自

聖裁等因具題本月十九日奉

旨這所增銀兩著免一半該部知道

康熙五十一年二月戶部為詳明松屬歷年欠課  
等事覆兩浙巡鹽御史顓圖題前事疏稱松江府  
屬華亭上海等縣竈課歷年拖欠自康熙三十五  
年起至康熙四十六年止十年積欠共十萬四千  
八百餘兩新舊並徵窮竈委難兼顧請自康熙五  
十一年為始隨同新課一年帶追一年務限全完  
等因前來查該御史既稱十年積欠新舊並徵各



東修兩浙鹽法志 卷十三  
竈戶委難兼顧應如所請隨新課分年帶追徵收  
可也二月二十五日奉

旨依議

康熙六十一年十一月兩浙巡鹽御史楊為梓為  
災黎慘遭異變等事題稱海寧縣所屬之西路等  
場辦課沙地被潮衝沒三千二百三十九丈又地  
二畝計缺課銀五百五十一兩零各竈無以刮淋  
課難辦納竈戶循例告攤海沙場代納銀一百二  
十四兩零蘆瀝場代納銀二百六十一兩零餘銀

一百六十五兩零仍令西路場各竈勉力自完以  
足課額俟沙地漲阜仍歸本場完納此項攤課並  
無借端科派之處等因具題雍正元年二月初九  
日奉

旨該部議奏部議查該御史既稱西路等場衝沒沙地  
缺課攤納應行令該御史按年如數完解仍取具  
該場情願認攤不致擾累印甘各結送部查核奉  
旨依議

雍正元年三月初九日總督戶部三庫和碩怡親



王為請

旨事奏稱各處解到地丁鹽課關稅錢糧原有隨銀一項康熙五十七年三月內

聖祖仁皇帝交與大學士蕭永藻等查奏大學士蕭永藻尚書孫查齊等查得各關監督等解交錢糧每兩隨平自一分至七分不等各布政司運司解交錢糧每兩一分將此隨平銀兩具奏作為正項錢糧遵行在案查得康熙五十七年五月起至雍正元年三月止收過隨平銀共三十七萬六千七百七

十三兩零未解銀二萬四千七百九十八兩零此項隨平即係從前飯銀今將隨平銀兩作為正項此外仍有飯銀地方官加派必致有累於民嗣後隨平銀兩應否解交之處 恩出

上裁請

旨等因奉

旨此所奏殊屬可嘉此項銀兩著行文各省停止未解銀二萬兩有零著議奏欽此欽遵將停止隨銀之處行文各省停其解交其未解銀兩係舊欠之項應



行各該處作速補解至停止隨平乃

聖主洪恩所及嗣後各該督撫并鹽差關差各官當仰  
體

皇上愛民至意務使霑 恩勿得加派將此一併行文  
可也三月初十日奏奉

旨依議

雍正二年七月十八十九兩日江南浙江沿海地  
方海潮衝溢鹽場漂沒竈戶場丁尤為艱食九月  
二十四日

上諭山東巡撫陳世倌河南巡撫田雯鏡湖廣總督楊  
宗仁江西巡撫裴率度今歲各省秋成大有惟浙江  
江南沿海地方七月十八九等日海潮泛溢近海田  
禾不無損壞朕軫念災黎惟恐失所業經嚴飭兩省  
督撫發倉賑濟多方撫恤但杭嘉蘇松等府人稠地  
狹向來出米無多雖豐年亦仰給於他省今沿海被  
災恐將來米價騰貴小民艱食河南山東二省壤接  
江南秋成豐稔湖廣江西地居上流今歲豐收爾可  
速動司庫銀兩山東買米六萬石河南買米四萬石



東修河海圖說卷十三  
湖廣買米十萬石江西買米六萬石選委廉幹賢員  
陸續運交蘇州巡撫浙江巡撫平糶所糶之銀仍移  
還補庫其米應於何處交卸爾即咨商蘇州巡撫浙  
江巡撫酌議速行毋得怠緩遲悞特諭

雍正三年五月左副都御史管理兩浙鹽務謝賜  
履將雍正二年七月間華亭婁縣上海海寧餘姚  
蕭山慈谿等縣海潮漂決情形摺奏本月十七日  
奏事安泰捧出

上諭諭戶部去歲江浙海潮衝溢沿海場竈淹沒之處

甚多兩淮鹽政所屬地方經噶爾泰奏聞朕即發帑  
賑恤并將雍正元年二年竈戶未完折價銀四萬餘  
兩悉行蠲免其兩浙鹽政所屬地方該巡鹽並未將  
被災之處題報今謝賜履以摺奏聞去秋海濤漂決  
情形兩浙與兩淮無異朕博施一體之心務使率土  
均霑膏澤著將華亭婁縣上海海寧餘姚蕭山慈谿  
等縣雍正元年二年未完場課銀兩悉行蠲免該鹽  
政通行曉諭俾各場丁戶人人得霑實惠將已未完  
場課數目確查報部倘有不肖有司將已完作欠或



借端朦混私行重徵者即指名題叅若隱匿通同後  
經察出將該鹽政一併從重治罪該地方督撫仍嚴  
加稽察毋使吏胥中飽以副朕勤恤窮丁普濟同仁  
至意爾即遵諭行特諭欽此戶部行文兩浙鹽政查  
將雍正元年分除蕭山華亭慈谿等三縣俱批解  
全完外婁縣上海海寧餘姚等四縣未完場課銀  
五千三百一十兩四錢一分零雍正二年分除蕭  
山一縣已經批解全完外華亭婁縣上海海寧餘  
姚慈谿等六縣共未完場課銀三萬一千四十四

兩四分零欽遵

上諭悉行蠲免備造完欠清冊送部核題

雍正四年九月十三日戶部為遵

旨查議事據浙江巡撫李衛都察院左都御史傅敏等  
遵

旨查議兩浙浮派鹽規一案奏稱噶爾泰傅色納楊為  
梓三任內甲商浮用過十八萬二千五百七十二  
兩俱應照追等語查甲商浮用銀兩冊內開載每  
年所用皆有款項其中多銷冒開之弊所不能免



東傳河漢監注卷十三  
實非甲商盡行入已今應寬其行追年限分作十年帶完庶輸將易便不致有虧正課其鹽驛道王鈞應得未用程費銀二萬六千四百兩零既收貯在庫王鈞情願歸公應歸入公帑至未收之項既經裁革若仍照掣引之多寡儘數貯庫殊非減費之意應將該撫所請鹽驛道將來程費貯庫之處無庸議又奏稱謝賜履任內甲商已派未用銀七萬八千二兩零從前甲商供稱核減在後浮派在前情願充公今訊據雖經預派實未收受此內有

非歲有之事自應裁去其已派未收銀四萬四千四百八十兩應即於甲商名下追賠入官等語查已派未收銀從前雖有充公之議但現在衆商名下收存若令甲商賠補未爲允協似可邀

恩免追又奏稱撫臣法海所奏除鹽驛道程費歸公外其各衙門年規五萬二千兩自應永遠充公誠恐年有豐歉引銷多寡拖欠不一似難永作章程議將督撫織造諸臣鹽規充公外其餘文武各官或仍給養廉之處出白



聖恩等語查兩浙商人請減浮費原因兩淮商人既沐  
皇上浩蕩之恩冀蒙照例裁減我

皇上軫念窮商

特命清查減存以紓商力今該撫等既議裁減而又以  
所裁督撫等陋規為充公之用則有減之名無減  
之實於商人究無裨益臣等酌議以此項陋規督  
撫兩司府縣俱有耗羨以為養廉不應更於鹽務  
分潤所有年規俱應裁革歸之於商共應裁四萬  
五千六百二十兩臣等通計每年浮費除歸公外

尚存銀二十四萬六千三百八十兩零今將各衙  
門規禮鹽道程費及甲商浮用等項議減一十一  
萬六千二十兩其雍正三年甲商已派未得銀四  
萬四千四百八十兩零在浮費之外應免其追出  
具題請

旨九月十四日奉

旨依議



勅修兩浙鹽法志卷十三終





